



## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

7. Ædificium Operum meritorium ab uno exstructum in cælo transfertur  
aliquando ad alium.

[urn:nbn:de:hbz:466:1-46065](#)

## ARTICULUS VII.

## ÆDIFICIUM OPERUM MERITORIORUM

*Ab uno extructum in cælo, transfertur aliquando ad alium.*

**I**D quomodo contingat, docebit sanctus Patriarcha Joannes Eleemosynarius, cuius Elogium hochaben „Fasti Mariani Ianuarii xxiii. [Cùm annum ageret] „JOANNES, Misericordia Divina, manifesta in loco „Sponsam se illi obtulit. Annuit continuo. Et raro „conjugium Superi habuerunt, dotemque addiderunt „tam opulentam, ut semper deinde haberet, quod in „egenos effunderet. Archiepiscopus jam Alexandinus, lustrum egit clientum suorum, hoc est, pauperum, numeravitque septies mille, & quinquaginta „quibus omnibus deinceps in singulos dies victus „subministravit. Sed nec vlli alii piam manum viderunt, quam subduxit. Ut meritò id certaminis cum Diu „suscepisse sit visus, plusne hic dare, an reddere illi posset. Munificentiam vel ex eo vide, quod ultimum „ægrotanti unicus super teruncius fuerit, vix naufragio „morituro. Ipse in testamenti sui tabulis reperiisse in „genuè se fatetur in ærario auri pondo octies mille, & „haec decies millies, & amplius aucta dilapidasse in „pauperes gloriatur. Anno igitur D. xcii. è corpori „ergastulo in Palatum abiit, quod piæ ipsius munera „centiae structum in cælo Troilus vedit, & verò inuidus „postea, cùtā bonæ prodigalitatis æmulus est factus. Id fuisus describitur in Vitis Patrum, vnde haec accipit. Joannes Patriarcha pauperum parens cùm Troilum Episcopum itineris socium haberet, clientes filiosque suos egestate pressos inuisit, & quia ad manus non habebat pecuniam, monuit Troilum, cui forte triginta librae auri in promptu erant, benefaceret. Distribuitur.

mos, quos habebat, quamuis inuitus, verecundia instigante Troilus. Sed vix manum retraxerat, & sordidum liberalitatis pœnituit. tantumque potuit auri sacra fames, ut morbum contraxerit, vel fixerit. Non latebant Eleemosynarium sordes Troili. Inuisit decumbentem humanitatis ergo: & post solemnia consolationis officia, aurum offert, eadem summa refundendum, dicens, sibi in animo fuisse, pecuniam pauperibus distribuere; sed quia sibi marsupium exhaustum erat, commodato se accipere voluisse, nullo Coëpiscopi, fratri sui in modo. Iraque se adnumeraturum, si placeat. Annuit Troilus, à quo aurum visum mox morbum discussit. Petuit autem Joannes apocham, qua de pecunia Troilo reddita constaret. Eam promptè conscripsit Troilus hac formula: DEUS DOMINO MEO JOANNI BEATISSIMO PATRIARCHÆ DA MERCEDEM XXX. LIBRARUM: QUONIAM EGO AS MEUM RECEPI. Sed quām vācors fuerit Euclio, DEUM demonstrasse hoc viso, scribitur. Cūm à prandio, vt mos illi erat, paullulum meridiaretur, semi sopitus, vedit DOMUM, vt narrabat deinde vigil, cuius magnitudinem, pulchritudinemq; ars hominū nulla exprimeret: porta erata aurea, supra quā hæc inscriptio, capitalibus litteris: MANSIO ÆTERNA, ET REQUIES TROILI EPISCOPI.

Vix se capiebat Troilus: cūm ecce quidam ex regiis ministris cum satellitio ad Domum recta vadit, jubetque auferri titulum: quo detracto, edicit: Reponite, quem conscribi jussit Rex orbis terrarum, & vidente Troilo, affixerunt his conceptum verbis: MANSIO ÆTERNA AC REQUIES JOANNIS ARCHIEPISCOPI ALEXANDRINI EMPTA LIBRIS XXX. Experrectus Troilus, quæ viderat narravit Patriarchæ, tantumque profecit, vt damnatis sordibus, liberalissimum se deinde pauperibus exhibuerit. Nimirum, edocitus erat, operibus misericordiæ, Domos æternas in cælo construi. AR.